

Мал үвлзүллгънд белдвр кеджӓх сара кӓдлмш сӓӓнӓр кегдджӓнӓ

Трактори бригадин бригадир болдж коммунист үр Черняев Николай кӓдлджӓнӓ. Эн бригадт 23 трактормуд кӓдлджӓнӓ, теднӓснь 6 „ДТ-54“, 17 „Беларусь“ гидг трактормуд. Цуг эн трактормуд ӓвс хадлгъна, хуралгъна болн зӓӓлгънӓ кӓдлмш кедж йовцхана.

Асхи ора шидр болсн цагла „Северный“ гидг совхозин эклц партийн организацин сеглӓтр үр Левочкин М. эднүр ирв. Хурдж ирсн механизатормудт эн Левочкин КПСС-н Хальмг тангъгъчин комитетин болн кӓч-кӓлсчирин депутатрин Советин гаргъсн мал үвлзүллгънд белдлгъиг дуусхин туск шидвриг цӓӓлгъдж ӓгв. Эн шидвриг цӓӓлгъдж ӓгснӓ хӓӓн, цугъар нег кевтӓн ӓвснӓ хадлгъна, белдлгънӓ кӓдлмшиг цаглань дуусхмн гидж бийдеерӓн даалгъвр авцхав. Механизатормуд дунд социалистическ дӓрлдӓг сӓӓнӓр делгрӓлдж, ӓвснӓ хадлгъна кӓдлмшт йовх механизатормуд „ДТ-54“ гидг тракторар ӓдртӓн 40 гектар. „Беларусь“ гидг тракторар 25 гектар ӓвс хадхмн гидж даалгъвр авцхала.

Кегддж йовх сара кӓдлмш эклӓд 15 хонг болв. Черняевин толгъалджах трактори бригад

йилгъӓн сӓн үзмдж үзүлджӓнӓ. Авсн даалгъвран шунмгъа гъар кӓцӓджӓнӓ.

Августин 3-ла 8500 гектар газрин ӓвсн хаддж орксн бӓӓнӓ. Цуг хадсн ӓвсн цуглулад, ковньглгдв. 7000 гектар газрас ӓвс хурагъад, скирдлчксн бӓӓнӓ. Совхозд ода 910 тонн ӓвсн овалгдад авчксн бӓӓнӓ. Эн бригадин чледүд „ДТ-54“ гидг тракторар ӓдртӓн 45 гектар. „Беларусь“ гидг тракторар 25 гектар хаддж, авсн даалгъвран давулн кӓцӓдж йовцхана. Механизатормуд дундас йилгъӓн сӓӓнӓр кӓдлдж йовх тракторист үр Амерханов ӓдр болгън 50 гектар, трактористир үр Синченков В., Кокуев Д. хойр „Беларусь“ тракторар 27 гектар ӓвс хаддж йовцхана.

ӓдрӓ кех кӓдлмшин кемджӓгъӓн 120—150 процент кӓцӓдг трактористир олт. Скирдлгънӓ кӓдлмшт ӓмн нӓүрт Плетнев В., Сериков болн нань чигн механизатормуд йовцхана. Бригадин учетчик үр Старков В. ӓдр болгън, кесн кӓдлмшин дигинь тоолад, кен ямаран кӓдлмш кесинь цӓӓлгъдж ӓгнӓ.

С. БОГАЕВ.

Приозерн район.